

適園叢書

張宗祥



通國書

張其



醉

翁

談

錄

八

齋

新編醉翁談錄

卷之一

名公佳製

一

史丞相上梁文

二

水碓古詩

三

竹奴文

四

約朋友結課檄書

五

容膝齋致語

六

御書扇銘

七

清醇酒頌

八

竹石銘

九

溫公聯句

十

棄竹杖詩

卷之二

榮貴要覽

十一

戊辰新恩遊
御園錄

十二

含元殿

十三

曲江之宴

十四

同昌公主

十五

蓮池

卷之三

京城風俗記

十六

正月

元旦

人日

送窮

十七

二月

社日

寒食

十八

三月

清明

上巳遊曲江

卷之四

京城風俗記

十九

四月

八日浴佛

二十

五月

端午

二十一

六月

二十二

七月

七夕乞巧

二十三

八月

中秋拜月

二十四

九月

重陽

二十五

十月 一日 煖鑪

二十六

十月 冬至

二十七

十一月 除夜

卷之五

瑣闥異聞

二十八

日林國怪石

二十九

賜輔國辟邪玉

三十

碧芙蓉爲異

三十一

奉天之識

三十二

詩識

三十三

神仙術

三十四

金玉屑化爲胡蝶

三十五

雕木爲技術

三十六

酒山紫海之異

三十七

黃金虵

三十八

元藏幾滄洲遇仙

三十九

羅浮先生

四十

懿宗佳識

四十一

九玉釵

四十二

聞步輦香

四十三

九花虬

卷之六

禪林叢錄

四十四

賀葉僧下山娶尼疏

四十五

棄吏爲僧疏

四十六

化度牒疏

四十七

化結路建橋疏

四十八

了禪師與覺和尚下火

四十九

吏人下火

五十

下火六事

五十一

撒土

五十二

祭虛一居士文

五十三

都院畫像

五十四

雕佛餘錢度僧語

五十五

馮相坐禪

卷之七

平康巷陌記

五十六

平康總序

五十七

序妓子母所自

五十八

妓期遇寶唐寺

五十九

詩贈團兒二女

六十

趙降眞

六十一

畧仙少有詩名

六十二

舉舉善譏辨

六十三

因嬖輕率

六十四

當兒詩筆

卷之八

平康巷陌記

六十五

德兒家燭有異香

六十六

令賓能詩筆

六十七

蘇蘇和詩譏進士

六十八

妓因得詩增重

六十九

潘瓊兒家繁盛

七十

惜惜鍾情花月

缺

新編醉翁談錄目錄終

新編醉翁談錄卷之一

從政郎新衡州錄事參軍金盈之撰

名公佳製

史丞相上梁文

嘉定己巳敕賜府第

奮身許國端如柱石之擎天崇德報功可使樓臺之無地不
有間生之瑰傑莫成協大之殊勳方乾坤之氣豁爾清夷宜
國家之典舉於希闔恭唯某官相門勳望聖世儒宗尙父素
無二心新傳衣鉢阿衡咸有一德感會風雲挺孤忠於巖嶮
之間平巨姦於盤錯之日祖宗基業三百載反掌而安南北
生靈億萬人息肩以樂腹心罄極手翼龍樓羣賢並進於清
朝公論大開於今日肆酬偉烈上簡淵衷在相臣體國固自

忘家而明主禮賢莫優賜第地靈闡祕天緯開祥於萬家闔
闔之塵得十頃靖深之趾棟宇聳高於霄漢軒窗負絕於塵
埃煥然制作之規模來從天上恍若神仙之洞府移在人間
不數晏嬰爽塏之居且異馬周佳麗之宅彰一人之體貌新
百辟之儀形蓋凡有議論欲問仲舒而獨佩安危尤資中令
敬請龜卜肇舉虹梁敢采歡聲式彰善頌

拋梁東於赫曦輪麗太空一自咸池洗氛翳八紘都在照
臨中

拋梁南仰矚宸居碧漢參已辨致君新事業坐看咸五與
登三

拋梁西參井煙光望欲迷萬里狼烽今已息何須傳檄定

羌氏

拋梁北聘使交馳正如織百年盟好一朝新端的皆由公
相力

拋梁上望外晴嵐環碧嶂不惟宸極竚公歸北斗泰山誰
不仰

拋梁下燕雀但知棲廣廈幾多桃李荷栽培準擬春風歸
造化

伏願上梁之後德尊而神泰心逸而體胖紫宸咫尺之遙
清問有十行之寵君臣千載永爲宗廟之棟梁父子一門並
紀勳庸之彝鼎

水碓古詩

生平志剛堅打硬鐵石觜而何不自持受制一泓水眯目厭
揚糠折腰長爲米俛仰不暫停瞥盪音湯殊不已廩人欲繼粟
僕僕乃使已鏹錚夜雨中塵糝西風裏亦有濟時材野老勿
輕眎鄰車久不轉爲乏河九里區區二千石因而成事耳

竹奴文

予以畏日虐晝几案如鑪乃下竹榻寘庭之隅設蘄簟與筠
枕將追暑於須臾臥旣久而不寐汗如漿而浹膚揮員箠以
腕脫楚所中反響同音楚人謂扇曰箠咀堅冰而口呿榻枕簟之三子俄趨

進以來俱同辭而言曰僕之鼻祖宅於渭墟有地千畝富埒
侯租釣月北海者僕英主而赴風雲之會龍躍葛陂者委功
名富貴而爲躡天衢逮後來兮孫穉遂枝分而派居僕家寒

而族冷無紹介之吹噓顧以涼德而猥叨親近誓將盡節以
造夫臺輿今君流汗四洽氣鬱不舒僕等烏可緘舉類之口
而不告君以良圖僕有竹氏夫人者性不熱中體清而癯儻
受君之親倚可來爽氣之虛徐君誠召而用之彰鄙言之非
諛予應曰俞吾方思之乃遣長鬚三子具□而竹氏至予予
呼之前曰汝以斧斤成質熱□須憑肱據股縱意所如非有
鵲巢之德采蘋之職曷爲而受夫人之呼人之稱汝旣以重
誣汝輒披襟於汝安乎夫金炯有清明之鑒而襲徹侯之爵
炯戶
頃反毛穎以翰墨之勲而掇中書之除汝非有功有德可與
二君子爲徒今黜汝之僭號而謂汝爲竹奴盍安名而謹分
順主人之所驅無沮作以缺望遂銜冤歸憾於吾竹奴皇恐

稽首而進曰豈謂是歟妾久懼驚下而負乘將乞骸以裁書
辱開陳而是正庸迪陋以啟愚雖不敏而自忻得斯名之不
虛敢失言以懷怨甘貶爵而爲下執之趨

約朋友結課檄書

士懷居不爲士莫辭會友之文人不恥何若人當廣齊賢之
見矧國家求士之詔甫及而郡國貢英之典立行如臨深淵
無宜羨魚並驅中原誰先得鹿夢回槐國還驚舉子之忙戰
鬩棘園肯效原夫之輩自非磨犀角擢象齒安得附鳳翼攀
龍鱗惟其一一而吹必也多多益辦白雪陽春雖云寡和高
山流水自有知音況人人磨鐵硯之徒箇箇奪錦標之手文
妙黃絹幼婦賦高烏有子虛如或一日暴十日寒豈謂千人